

Na osnovu Odluke Vlade Bosansko-podrinjskog kantona Goražde broj: 03-11-1339/23 od 06.07.2023.godine o davanju saglasnosti na Program utroška sredstava Ministarstva za privredu Bosansko-podrinjskog kantona Goražde „Program razvoja turizma u Bosansko-podrinjskom kantonu Goražde za 2023. godinu, utvrđenog na ekonomskom kodu 614100 RAZ 002- Tekući transferi drugim nivoima vlasti za razvoj turizma, Ministarstvo za privredu Bosansko-podrinjskog kantona Goražde *objavljuje*:

JAVNI POZIV

za dostavljanje prijedloga projekata za sufinansiranje iz Programa utroška sredstava Ministarstva za privredu Bosansko-podrinjskog kantona Goražde „Program razvoja turizma u Bosansko-podrinjskom kantonu Goražde za 2023. godinu“.

1. Predmet javnog poziva

Predmet javnog poziva je prikupljanje prijedloga projekata koji će omogućiti poboljšanje kvaliteta usluga u oblasti turizma na području Bosansko-podrinjskog kantona Goražde s namjerom proširenja turističke ponude, aktiviranje turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, promocija turizma na području Bosansko-podrinjskog kantona Goražde.

2. Ciljne grupe

Na Javni poziv mogu aplicirati Turističke organizacije na prostoru Bosansko-podrinjskog kantona Goražde, i udruženja registrovana kod nadležnog organa u Bosansko-podrinjskom kantonu Goražde u oblasti turizma.

3. Opšti i posebni ciljevi programa

U skladu sa Programom rada Ministarstva za privredu BPK Goražde, osnovni ciljevi Programa su proširenje turističke ponude, aktiviranje turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, promocija turizma na području Bosansko-podrinjskog kantona Goražde.

U skladu sa općim ciljem, posebni ciljevi Programa su:

1) Povećanje javne turističke infrastrukture na području Bosansko-podrinjskog kantona Goražde, pod projektima javne turističke infrastrukture podrazumijevaju se sportsko-turistička infrastruktura, turistički parkovi i izletišta, vidikovci i odmorišta, turističke rute i putevi, infrastruktura za razvoj kulturnog turizma, infrastruktura za razvoj vjerskog turizma, planinarska infrastruktura, lovna i ribolovna infrastruktura, infrastruktura za razvoj turizma u zaštićenim područjima, info-ploče i turistička signalizacija, i ostala javna turističku infrastruktura, a provode se na područjima i dobrima koja su u javnom vlasništvu.

2) Promocija turističkih potencijala Bosansko-podrinjskog kantona Goražde kroz, kreiranje novih turističkih sadržaja, posebni oblici turizma, kao što su rekreativni, ruralni, lovni, zdravstveni, eko, vjerski, unapređenje i poboljšanje cjelokupnog sistema turističkog informisanja.

3) Poboljšanje kvaliteta ponude u oblasti turizma na području Bosansko-podrinjskog kantona Goražde s namjerom obogaćivanja ponude i stvaranja novog prepoznatljivog turističkog proizvoda kroz unaprjeđenje postojećih turističkih potencijala, analiza postojeće turističke ponude i mogućnosti za aktiviranje dodatnih turističkih resursa, uvezivanje elemenata turističke ponude u turističke proizvode radi uspostavljanja atraktivnih turističkih ruta.

4. Potrebna sredstva za provođenje programa

Potrebna sredstva za provođenje Programa definisana su u Budžetu Ministarstva za privredu Bosansko-podrinjskog kantona Goražde za 2023.godinu, na ekonomskom kodu 614 100 RAZ 002-Tekući transferi drugim nivoima vlasti za razvoj turizma, u ukupnom iznosu od 150.000 KM.

Za prvi posebni cilj predviđena su sredstva u iznosu od 45.000 KM, za drugi posebni cilj predviđeno 85.000 KM dok je za treći cilj predviđeno 20.000 KM.

5. Odabir korisnika sredstava

Korisnici sredstava predviđeni Programom su Turistička organizacija sa područja Bosansko-podrinjskog kantona Goražde kao i udruženja registrovana kod nadležnog organa u Bosansko-podrinjskom kantonu Goražde u oblasti turizma.

Dostavljeni aplikacioni obrazac sa projektom, u skladu sa odredbama Programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Konačnu Odluku o dodjeli sredstava donosi Vlada Bosansko-podrinjskog kantona Goražde na prijedlog Ministra za privredu Bosansko-podrinjskog kantona Goražde.

6. Obavezni prilozi

Aplikanti su dužni dostaviti prijedloge projekata u formi koja je propisana od strane Ministarstva za privredu Bosansko-podrinjskog kantona Goražde. Aplikacioni obrasci prijedloga projekata kao i Program Ministarstva za privredu mogu se preuzeti sa internet stranice Vlade Bosansko-podrinjskog kantona Goražde www.bpkgo.ba.

Uz aplikacioni obrazac prijedloga projekata potrebno je dostaviti sledeće:

- Rješenje o registraciji ,
- ID broj ,
- Potvrda/ugovor o otvorenom glavnom žiro računu kod banke;
- Uvjerenje o izmirenim obavezama po osnovu javnih prihoda od poreske uprave (Dokument će Ministarstvo za privredu službeno zatražiti);
- Uvjerenje o izmirenju obaveza PIO/MIO sa podacima o broju prijavljenih radnika (Dokument će Ministarstvo za privredu službeno zatražiti);
- Uvjerenje/ Izjava da nije pokrenut stečaj ili likvidacija;
- Izjava/potvrda da račun nije blokiran.

7. Podnošenje prijedloga projekata

Prijedlozi projekata sa prilogima dostavljaju se u zatvorenoj kovrti na adresu:
Ministarstvo za privredu Bosansko-podrinjskog kantona Goražde
Ul. Maršala Tita broj 5, Goražde 73000,
sa naznakom za dostavljanje prijedloga projekata za finansiranje iz Programa utroška sredstava Ministarstva za privredu Bosansko-podrinjskog kantona Goražde „Program razvoja turizma u Bosansko-podrinjskom kantonu Goražde za 2023. godinu“.

„NE OTVARAJ“

Rok za dostavljanje ponuda je 7 dana od objave Javnog poziva na web stranici Vlade Bosansko-podrinjskog kantona Goražde i oglasnoj ploči Ministarstva za privredu Bosansko-podrinjskog kantona Goražde.

Nepotpune i neblagovremene aplikacije neće se uzimati u razmatranje.

Uvjerenja nesmiju biti starija od 3(tri) mjeseca računato od dana podnošenja zahtjeva, a kopije Uvjerenja i drugih dokumenata moraju biti ovjerene.

8. Ostale odredbe

Sa aplikantima čiji se zahtjevi projekata prihvate biće potpisani Ugovori o sufinansiranju odobrenih projekata, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona, broja 038/224-264 od 08.00 do 16.00 sati.

Broj:04-11-1455-3/23
Goražde, 07.07.2023.godine



MINISTAR

Zijad Briga